

## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

**Gavanti, Bartolommeo**

**Antverpiæ, 1634**

De Festis Sanctorum mense Septembri. XI.

**urn:nbn:de:hbz:466:1-40244**

reconditas. Semidup. apud Durand. lib. 7. cap. 1. & in Breu. 1550. Duplex à Pio V. qui de more mutauit 1. & 2. Lectiones. Officium Missæ aliud est in Antiphon. Gregoriano, posterius Gregorio, ex Pamelio, ut dictum est. Optarunt aliqui hoc Festum fieri Duplex maius, sicuti sunt alia minora Festa Apostolorum: sed neque dies hæc martyrij illius est, neque martyrium pro fide Christi & Euangeli, neque statim in cælum iuit; neque deimerecur S. Augustin. ut amittere debeat secundas Vesperas, quas diuidit cum S. Ioanne. Quibus etiam de causis longè maius Festum est Natiuitatis quam Decollationis S. Ioannis. Aliam addit causam; quia Natiuitas illius toti mundo magis profuit, tamquam Praecursoris Christi, quam Decollatio, quæ illi soli utilis fuit. Et multi, ait Angelus, in Nativitate eius gaudebunt.

Sabina. In Antiphon. & Sacram. S. Gregorij sed deinde mutatae sunt omnes Orationes Missæ, quas tamen habet Pamelianus Codex. Simplex in M.S. & 1550.

30. Felicis & Adauerti. In eodem Sacram cum Orationibus omnibus Missæ. Simplex in M.S. & 1550. Officium Missæ, ut in Antiph. Gregor.

*De Festis Sanctorū mense Septembri.*

#### C A P. X I.

I. **A**egidij Abbaris. Ab Vrbano IV. ex Radul. citato à Schultzingio. in Missali Vatic. vol. 3808. cum nouem Lectionibus apud Radulph. Propos. 22. Simplex in M.S. & 1550 & à Pio V.

Duodecim Fratrum. Romæ tantum, ex Radulph. cit. in Missali Vaticano vol. 4770. Simplex in M.S. & 1550.

8. Natiuitatis B. Virginis. Tempori-

bus Ephesini & Chalcedonensis Concil. diem Festum hunc celebrari ceperisse, existimat Azot. par. 2. lib. 1. c. 19. quæst. 1. at Baron. in Not. Martyrl. non præsumit hoc dicere, quia in Concilio Moguntino videntur illius Patres hoc ignorasse Festum. Extant Orationes de hoc eodem Festo Chrysostomi, Procli, & Ioannis Damasceni. Manuel meminit tit. cit. Certum est, quod apud Latinos non ubique celebratum fuit hoc Festum ante Augustinum, qui nullius hominis nativitatem celebrari asserit, nisi Christi & Ioannis, Sermone 20. & 21. de Sanctis. Quod si in Breuiario hac die dicit Augustinus in Sermone, *tanta Virginis illustrata natali*; & in secunda die infra Octauam, *tuam sanctam Natiuitatem*; illa verba, *natali Natiuitatem*, sunt aduentitia, mutata ab Ecclesia: pro quibus alia haber originalis textus in Sermone 18. de Sancto, qui est 2. de Annuntiatione. Habet præterea Festum hoc in Comite S. Hier. in Ord. Rom. & in Sacram. Gregor. cum omnibus Orationibus Missæ. S. Ildephonsum indicat hoc Festum in libro de Virginit. Maria, de quo etiam Sermonem habuit. Poterum Bernardus meminit, rationemque addidit, quia sancta nata est, in Sermone super Salve Regina: atque ex cantu Angelorum hac die audi statutum fuisse Festum, docet Gemma lib. 3. cap. 166. tum Sergij Decretum firmatum, ait Siebertus in Chronico. Sed fortasse eo die indixit ille Litanias tantum, ut ait Auctor Breu. Chronologici, qui & addit, quod in Gallia post Ludouicum Pium celebrati ceperit. Duplex maius, ex Duran. lib. 7. cap. 1. Antiphona & Responsoria à Ioanne Damasceno composta post recu-

recuperatam abscessam mantum, scribit Schultingius citans Martinum Cosentinum Archiepisc. lib.4. *Chron. in Syria*, nihil mutauit Pius V. Officium tamen Missæ aliud est ab Antiphonario Greg. Vbi est Titulus Ecclesiæ Nativit. B. Virginis, in tertio Nocturno vel de septima & octaua Lectione sicut tres, vel pro nona legatur septima diei sequentis infra Octauam; parumque refert, si die sequenti eadem repeatatur.

Adriani. In Antiphonar. & Sacramentar. Gregoriano, mutatis deinde Orationibus: & est translationis Festū, quando Romam eius corpus delatum est, ex Baron. in *Martyrolog.* obiit enim die 4. Martij. Commemoratio in M.S. Simplex in Breu. 1550.

9. Gorgonij. In Antiphonar. & Sacramentar. Greg. cum omnibus Orationibus Missæ; non tamen in Pameliano Cod. Simplex in M.S. & 1550. posterius est Gregorio, ex Pamelio.

10. Nicolai Tolentini. In Breuiar. Vatic. volum. 4760. restituitur à Sixto V. 1585. eum Officio & Duplici ritu; sed comparatione facta cum Nicolo Mirense Episcopo, à quo hic Nicolaus prodigit in lucem, Clemens VIII. Semid. ritu Festū decreuit fieri, mutauitque Orationē. Si transferatur, mutatur Versus tertius in Hymno, *Iste confessor.*

11. Proti & Hyacinthi. In Antiphonar. & Sacramentar. Gregor. Romæ celebre Festum fuisse docet Baron. in *Martyrolog.* Simplex in M. S. & 1550. Officium Gregorianum, vbi supra. Fuere germani, teste S. Damaso in Epigrammi, quod in recognito Martyrol. & Breuiario adnotatum est: quare in Officio nouēm Lectionum octauum Resp. erit, *Hac est vera.*

14. Exaltationis sanctæ Crucis. An-

te obitum S. Ioannis Chrysostomi, qui hac die obiit, & duos de hoc Festo Sermones habuit. in Comite S. Hieron. fit mentio; in Ord. Romano, & in Sacramentari. Gregor. habetur Secreta Missæ Oratio qua nos utimur: reliquæ deinde mutatae fuerunt. Honorius I. inuexisse dicitur hoc Festum in Ecclesiam Occidentalem anno 623. ex Platina: fortasse ampliauit. Quare Heraclij victoria longè posterior reddit illustriorem iam institutam celebritatem; quæ contigit anno 631. ex Sigiberto. Semidupl. à Duran. lib.7. cap.1. Duplex in M.S. & 1550. Officium Gregor. mutauit aliqua Pius V. in Responsorijs, & Lectionibus. Clemens VIII. in Hymno iussi dici, *In hac triumphi gloria.* & declarauit hoc Festum esse Duplex maius. Officium Missæ Introitum tantum habet, ex Antiphonario Gregoriano.

15. Octaua Nativitatis B. Virginis. Ab Innocentio IV. ex Durand. lib.7. cap.28. hoc est, Officium eiusdem, ait Baron. in *Martyrolog.* Beda enim meminit Octauæ cum Radulph. Propos. 19. qui eam numerat inter Octauas maiores. Habetur in Missali Vaticano volum. 3808. Semidupl. apud Duran. lib.7. cap.1. Duplex ab Alexandro VI. vt dicitur in Breu. 1550. Officium ab Innoc. IV. ex Platina anno 1246. qui & eidem tribuit Festum, sed falso, vt supra innuimus. Pius V. infra Octauam ademit in primo Nocturno Lectiones de Cantoris cantorum quotidianas, exceptis prima & ultima die, & mutauit Lectiones secundi & tertij Nocturni.

Nicomedis. Olim die prima Iunij, ex Beda, Usuardo, & Adone. Habetur Officium Missæ in Antiphonario & Sacramentario Gregorian.

X 2 cum

cum omnibus Orationibus Missæ. Simplex in Breuiario M.S. & 1550.

16. Cornelij & Cypriani. Obiere tamen die 14. Septembris, qua, & sequenti impedita, data est eisdem hæc dies pro natali. De ijs in Comite Hieron. & Sacramentar. Greg. vbi habentur prima & ultima Oratio Missæ. De Cypriano Nazianzenus Orationem habuit; & solemnius erat Festum apud Græcos. Extant aliorum Sermiones, Augustini 113, 114, 115, 116. de Diuersis, SS. Maximi & Petri Chrysostom. in Italia per antonomasiam dicebatur celebritas Cyprianea, ut scribit Procopius de Bello Vandalo. Simplex in M.S. & 1550. Semid. à Pio V. cum Officio. Lectiones primi Nocturni de Communi Martyrum eatenus fuerunt assignatae, quatenus de libro Tobiae cœptum sit legi: alioquin initium eiusdem libri legatur in hoc Festo (qui casus contingit alicubi, ob Festum solemnem in Dominica, die 13. Septembris) ne scilicet liber ille omittatur. Missæ Officium discordat ab Antiphonar. Gregor.

Euphemie, &c. A tempore Chalcedonensis Concilij. In Sacramentario Gregoriano diuissim habentur, vbi etiam Orationes omnes, quæ nunc in Missa dicuntur. Panellus numerat inter Officia Gregorio posteriora in Antiphonario Gregoriano. ante tempora Doni Papæ, ait Baron. in *Martyrolog.* Manuel tir. de Feris, cum nouem Lectionibus in M.S. & 1550. Commemoratio tantum à Pio V.

17. Stigmatum sancti Francisci. Baronius in *Martyrologio* scribit, Benedictum XI. iussisse solemnitatem hanc celebrari Duplici Officio, id est, in Ordine S. Francisci; & laplam in *Martyrologio* Romano iussisse Sextum V. hac

die recenseri, additis ipsiusmet Sixti V. verbis. Deinde vero concessit Paulus V. celebrari eamdem posse ad litatum Cleri: Duplici quidem Officio in Religione sancti Francisci, extra eamdem Semiduplici, ut patet expressa editione Romana, & Decreto sacrae Rituum Congregationis die 28. Augusti 1615. & rursus die 20. Octobris 1627. Scriptis de hoc Ffesto Ant. Daza Minorita, & ait, vniuersitate Ecclesiae fuisse præceptum sub rito Duplici à Benedicto XI. & à Paulo V. sed fallitur; tum quia Marcus Vifi-ponensis in suo Chronico Minorum par. 1. cap. 59 aperte tradit, à Benedicto XI. datum esse Festum Duplex ordinanti tantum S. Francisci; tum quia semel & iterum decreuit sacra Rituum Congregatio ritum Semiduplicem, videlicet diximus: tum quia eiusdem Decretum deleta sunt ea verba in 6. Lectione, *Officio Duplex*, quæ videbantur ad totum Clerum attinere, die 6. Novembris 1627. Et ratio fauet; quia in Breuiario secundaria Sanctorum Festas longè sunt inferiora primarij, ut videre est in Duplicibus maioribus per annum; non ergo debet esse Festum Stigmatum æquale Ffesto primario S. Francisci, quod est Duplex minus: congruit autem esse Duplex in Ordine Minorum, vbi Festum primarium S. Francisci est Duplex primæ classis. Color albus adhibendus est, ut alias docuimus, contra vnum Fratrum Minorum. In Martyr. lect. si fiat Officium, ponatur primo loco.

19. Ianuarij, &c. Primus erat in Appendice Gregor. apud Græcos ante Procopium, qui de hoc Ffesto scribit lib. 2. de Bello Goshico. campanis restitutus fuit à Sixto V. 1586. & cum Officio Semiduplici. Cle-

mens VIII. mutauit Euangelium cum Homilia.

20. Vigilia S. Matthæi. Ut de Vigilia S. Andree & S. Thomæ dictum est. In Comite Hieron. Euangelium, Officium Missæ in Antiph. & Sacrament. Gregoriano.

Eustachij, &c. Appendix Sacramentar. Gregor. habet hoc Festum Calend. Nouemb. hac verò die Missale Vaticanum vol. 4743. Commem. in M. S. Simplex 1550. Pius V. ademit Lectionem, ob Homiliam Vigiliæ. Vrbanus VIII. ritu Semidupl. celebrari iussit, ad instantiam Mautitij Cardinalis à Sabaudia Diaconi eiusdem Ecclesiæ; cuius Lectiones approbatæ fuerunt die 24. Nouemb. 1625. Ad diderunt alij sine facultate Resp.  
*Hac est vera; quod non quadrat: alias dicendum esset etiam in Festo S. Marij, Marthæ, &c. 19. Ianuar.*

cadem enim est ratio patris, matris, & duorum filiorum. non igitur est dicendum.

21. Matthæi. Ut de S. Andrea. Comes S. Hieron. meminit. Oratio est Ambrosiana. Pius V. mutauit Lectiones omnes. Officium Missæ, ut in Antiph. Gregor. & Sacramentario.

22. Mauritij, &c. Primus in Antiphonario Gregoriano; sed ex Pamelio post Gregorium: socij verò in Appendix Sacramentarij. Simplex in M. S. & 1550. Officium Gregorianum, & Missæ præsertim, ut in citato Antiphonario.

23. Lini. In Appendix Gregoriana. Semidupl. ex Microlog. cap. 43. Romæ tantum, Radulph. *Propos. 22.* Simplex in M. S. & 1550. Se mid. restitutus à Pio V. mutauit autem Euangelium cum Homilia Clemens VIII.

Theclæ. In Appendix Gregor. Vbi que celebre Festum, ait Baron. in Martyrolog. cum nouem Lection. in Breu. 1550. Commemoratio à Pio V.

26. Cypriani & Iustinae. In Appendix Gregorian. Simplex in M. S. & 1550.

27. Cosmæ & Damiani. In Sacramentarij. Gregor. mutatis Orationibus omnibus Missæ; quas tamen nobis etiam communes Pamelianus habet Codex. Romæ celebrem eorum cultum ante Menologium indicat Baron. in Martyrolog. Manuel tit. de Ferijs. Simplex in M. S. & 1550. Semid. à Pio V. Officium autem Missæ habetur in Antiphonar. Gregor. vbi & posterius esse S. Gregorio, notat Pamelius.

29. Dedicationis S. Michaëlis, in monte scilicet Gargano, ait Martyrol. Roman. Habetur in Comite Hieron. & in Sacramentarij. Greg. cum omnibus Orationibus Missæ, in Concilio Moguntino cap. 36. Manuel tit. de Ferijs. Ado, inquit, ob Dedicationem Ecclesiæ in mole Adriani; quam Baron. in Martyrol. vult fuisse dedicatam à Bonifacio III. vel IV. qui sunt posteriores Gregorio. Radulphus ait Propos. 17. fieri ex auctoritate Apostolica. Gemma addit lib. 3. cap. 167. ob victorian fieri contra Paganos. Duplex apud Radulph. citat. & in Breuiario 1550. Officium est Gregorian. quod dici testatur Schuiting. a Concilio II. Triburensi M. S. celebrato anno 1030. Pius V. mutauit Lectiones primi & secundi Nocturni, tum ordinem Responsiorum, tum Capitulum ad Sextam. Nota, quod ad octanam Lectionem dicitur, *Quorum Festum colimus;* quia est Festum omnium Angelorum, ut in Oratione

& Lectione quarta patet, & sequentibus: & quia Dedicatio hæc in monte Gargano facta fuit in Michaëlis & Angelorum memoriam, vt expressè dicitur in Lectione sexta Festi Apparitionis die 8. Maij. Officium Missæ habetur in Antiphonario Gregoriano. Si occurrat hoc Festum in Dominica, conuenit, vt octaua Lectioni iungatur nona, quæ de Angelis agit.

30. Hieronymi. In Sacramentario Gregoriano, cum diuersis tamen Orationibus Missæ. Ex Decreto Bonifacij VIII. Duplex. Pius V. mutauit Lectiones omnes.

*De Festis Sanctorum mense Octobri.*

C A P. X I I .

**F**estum Rosarij debet vbiique & perpetuò celebrari in ijs Ecclesijs, in quibus adest Altare seu Cappella Rosarij B. Virginis, Duplici maiori Officio in prima Dominica Octobris, quæ scilicet occurrit in Calendis, vel post Calendas, ex Decreto Gregorij XIII. die 1. Aprilis 1573. Officium recitant Bononienses de Nativitate, mutato nomine in *Festinitatis*, quod non improbamus. Certè melius, vt in Feste ad Nives, cum Lectionibus 2. Noct. de Nativitate B. Virginis, mutato verbo *Natali* in *solemnitate*: minus enim cohærent Antiphona & Responsoria Nativitatis Feste Rosarij, quam Feste Visitationis & Præsentationis B. Virginis; & tamen hæc duo Festa non habent amplius Officium de Nativitate, mutante Clemente VIII. in Officia quæ hodie habentur. Quibus autem placet officium Nativitatis, pro ijs verbis, *Hodie nata est*, dicere poterat. *Hodie*

*Festum est B. Virginis*, sed verè diss. nat illud, ex progenie David, à voce Festi. Vide quæ diximus in præm Tomo par. 4. titulo 15. num. 22. pagina 291. Nota, quod in secundis Vesperis, si concurrant cum Angelis Custodibus, Vesperæ integræ erunt de beata Virgine, cum commemoratione Angelorum custodum. Habet enim Festum Rosarij integras utrasque Vespertas; quia Gregorius celebrati voluit ritu Duplicis maioris, vt diximus: & ubi fit hoc Festum, legatur de eo in Martyrologio primo loco.

Occurrit non raro dies Octaua Titularis Ecclesia S. Michaëlis, S. Hieronymi, & aliorum, in Dominica 1. Octobris, in qua Rosarij Festum à Clero eiusdem Ecclesia fieri debet, Officiumque de eodem recitari. Et sicuti dies Octaua non potest trâstem, ita neque videtur transferri debet Festum Rosarij, quod à die 7. Octobris in primam Dominicam eiusdem ex professio transtulit Gregorius XIII. vt Officio populus interlit, ex Bulla cit. suprà. Quodnam erit igitur Officium recitandum? consutus responde, recitandum esse Officium de Rosario cum commemoratione diei Octauæ, & Domin. 1. Octobris; tum quia, dic neutrum transferri potest, vt dixi, Festum Rosarij est Duplex minus: tum quia Festum Rosarij est Deiparae: tum quia Festum est de præcepto vniuersalis Ecclesie, ex Bulla Gregorij; dies Octaua est de præcepto in particuliari Ecclesia: tum quia sacra Rituum Congregatio in honorem B. Virginis decreuit, à Clero Regij fieri Festum Visitationis B. Virginis in die Octaua S. Prospere Patrini loci, vt suprà scripsimus Sect. 3. c. 11. num. 20. licet potuisse, & lebuisse ex